

六
書
類
纂

六書類纂卷之二

興山吳錦章學

原體篇

會意弟四 許氏曰比類合誼以見指揮武信是也夫比類者比其或形或事之類合誼者合其可指可象之誼於是止戈爲武人言爲信而會意之法立焉第會意之文易與指事相混雖徐楚金江艮庭不免舛誤段氏深譏之然亦未詳論其指細爲分別訖今無所折中愚謂據許君之例必兩文三文各有實義可彼此參合者乃

爲會意。若一文有實義，一文無實義，及所配不成文，但見其象者，則皆爲指事之字也。前指事篇內已詳述此義，併於疑似字下，逐一註明，以便尋省。茲編所養除兼諧聲者，備錄形聲篇內，特取專屬會意各字，以次錄之。約六百餘文，雖未必蒐采無遺，而古人制字之意，或由此窺見一辨，亦不無小補云。養會意。

忒

左傳夫武定功戢兵故止戈爲武。今作忒。

信

誠也。从人言會意。

天

顛也。至高無上。从一大。

元

始也。大也。从一从兀。兀高也。徐氏錯曰：元者善之長，故从一。

吏

治人者也。从一从史。

社

地主也。从示土。古二十五家爲社。

祭

祀也。从示从又持肉。又手也。祭之主贊詞者。从示从人口。

祝

大也。从王从自自始也。古三皇始爲大君。○今作皇。

皇

以玉爲信也。从玉皐。○凡國有祥瑞。往往得寶玉爲之兆。

瑞

車斧開皮篋也。古者出使奉玉以藪之。从車珥。音荻。

璫

厚也。害人之艸。从中从毒。毒土無行也。

毒

在木曰果。在地曰藪。从艸从瓜。郎果切。

藪

茅蒐。如蘆也。人血所生。可以染絳。从艸从鬼。音搜。

蒐

艸生於田者。从艸田。

苗

祟

神禍也。从示从出。○按鬼神出而示人。則爲祟矣。音歲。

王

天下所歸往也。从一貫三。三者天地人也。

閏

告朔之禮。閏月天子居門。故从王在門中。

班

分瑞玉也。从珥从刀。

士

事也。數始于一。終于十。推十合一爲士。

熏

火煙上出也。从中从黑。本作𤇀。

嵐

艸得風兒。从艸从風。俗作嵐非。

肆

赤肆也。从艸肆。音易。○按此似形聲字。

菑

田不耕而艸塞土也。从艸从𠂔。从田。𠂔古文灾字。

芟 刈艸也从艸从爻。

斲 斲也。从斤斲艸。

折 篆文折从手。

莫 日且冥也。从日在艸中。俗別作暮非。

爪 今作介。畫也。从八从人人各有介。○按此即古界字。

半 物中分也。从八从牛。牛爲物大。可以分也。

必 分之極也。从八弋。弋有定所。一見而決也。

悉 詳盡也。从心从采。

吹 噓氣也。从口从欠。

若 擇菜也。从艸右。右手也。一曰杜若香艸。

斲 籀文折从艸在公中。公寒故折。

莽 犬逐兔艸中也。从艸从犬。

詹 多言也。从八从言。从彡。彡象屋宇。

分 別也。从八从刀。刀分別物也。

公 平分也。从八从厶。八猶背也。背厶爲公。

采 悉也。从采。采古辨字。或作審同。

吉 善也。从士口。

名 自命也。从口从夕。夕不相見。故曰口自名。

君

尊也从口从尹。尹發號令。故从口。

命

使令也。从口从令。

肩

開也。从口从戶。

聃

聃語也。从口从耳。○俗謂耳語也。

咸

皆也。悉也。从口从戌。戌悉也。

周

密也。从口用。

否

不可也。从口从不。

唬

虎聲也。从口虎。俗作吼。

各

異詞也。从口夂。夂行而止之。不相聽也。

吠

犬鳴也。从犬口。

啻

語相訶距也。从口距。辛。辛惡聲也。

器

匱也。从哭。匱聲。今作喪。

舟

不行而進。謂之舟。从止在舟上。今作前。

發

以足踴夷艸也。从彳。从父。音潑。

此

止也。从止从匕。匕相比次也。

正

是也。从止一。守一以止也。

是

直也。从日正。

尠

是少也。尠俱存也。从是少。

走

趨也从天止天止者屈也今作走

連

車行連續也从辵从車

遯

逃也从辵从豚

道

人所行路也从辵从首一達謂之道

後

遲也从彳从夂夂者後也

御

使馬也从彳从卸卸解車馬也

建

立朝廷法律也从廾从聿

延

安步延延也从廾从止音同延

衙

行且賣也从行从言或作衙同

衛

宿衛也从韋而从行行列衛也今省作衛

齠

毀齒也女七月生齒七歲而齠初莖切

甃

門戶疏窗也从疋囟囟象甃形○音疏

疋

通也从攴疋音同疏

路

人所行之道也从足从各

龠

樂之竹管六孔以和眾聲也从品从侖侖理也

扁

署也从戶冊戶冊者署門戶之文也

囁

聲也氣出頭上从囁从頁頁首也

舌

在口所以言也別味也从干从口今作舌或作舌非

肉 言之訥也从口从肉

裔 以錐有所穿也从矛从肉一曰滿而出也音肩

糾 經三合也从糸以音鳩

肸 響布也从十从頁

斟 斟斟盛也从十从甚音熾

博 大通也从十从尊專布也

計 會也算也从言从十

諏 聚謀也从言取音鄒

繇 亂也不絕也从言从絲

音 諛也从言从中讀若儻

討 治也从言从寸

咎 徒歌也从言肉音同謠

說 說釋也从言兌一曰談說也

設 陳也施也从言从殳殳使人也○疑从役省聲

訥 言之難出也从言內○按此與肉同

善 吉也从言从羊羊祥也與美義字同意今作善

善 篆文善从言隸从此省

競 疆語也爭逐也从言从二人

竟 樂曲盡為竟。从音，从人，引伸為竟。界字，俗作境。

章 樂曲竟為一章。从音，从十，十數之終也。

亶 皐也。从二，从干。二，古文上。干，上則有皐音愆。

對 曆無方也。从聿，从口，从寸。或从土，作對。

丞 翊也。从卪，从卪。从山，山高承奉之意。

弁 蓋也。从卪，从合，音安。

弄 玩也。从卪，持玉。

莽 警備也。从卪，持戈以戒不虞。今作戒。

兵 械也。从卪，持斤，象并力之皀。

樊 不行也。从非，从林。

異 分也。从廾，从畀，異分子之也。

興 起也。从昇，从同，同方也。

與 黨與也。从昇，从与。

羹 五味盞羹也。从美，从美。

孚 鳥孚卵，皆如期不失信也。从爪，从子。

執 種也。从埜，从手，持而亟種之。今作執。同，又作勢。

矧 擊踝也。从卪，从戈，音顛。

闔 試力士，錘也。从門，从戈，或云从戰，省聲。音險。

閱

恆訟也从門从兒兒喜訟者也

右

手口相助也从又从口今作佑

𠂔

拭也从又持巾在尸下尸屋也

𠂔

卜問吉凶也从又持祟音贊

秉

禾束也从又从禾

𠂔

治也从又从下下治事之節也
○今通用服

及

逮也从又从人及葑人也

𠂔

滑也从又中一曰取也音佻

彗

埽竹也从又持彗或作彗同

取

捕取也从又从耳周禮獲者取

卑

賤也執事者从大甲古者右貴

史

記事者也从又持中中正也

聿

手之聿巧也从又持巾音聿

聿

所以書者楚謂之聿吳謂之不

聿

聿也秦謂之筆从聿从竹

肅

持事振敬也从聿在肅上戰戰

聿

聿之飾也从聿从彡俗以書好

堅

剛也从収从土

為聿今作彰又通用聿

𨔵

相擊中也。如車之相擊。故从喜。从殳。音急。

投

軍中所持投也。从殳从木。

𦍋

坵也。从支从厂。厂多坵。果孰有味亦坵。故从未。音黎。

𦍋

平田也。从支从田。

寇

暴也。从支从完。窺人完聚而欲取之。

𦍋

上以問疑也。从口上。俗作𦍋。

貞

上問也。从卜貝。求卜者以貝爲贖。

用

可施行也。从卜从中。

𦍋

舉目使人也。从支从目。音得。

役

戍邊也。从殳从彳。

支

小擊也。从又上。俗作𦍋。

敗

毀也。从支从貝。

改

更也。从支从己。

牧

養牛人也。从支从牛。

占

視上兆而問其吉凶也。从卜从口。

外

遠也。卜尙平旦夕而上。於事遠矣。从夕卜。

𦍋

今作庸。用也。从用从庚。庚更事也。

𦍋

營求也。从𦍋从人在穴上。

眇 深目也。从目，在穴中。音眇。

看 睇望也。从手，下目。

眇

眇 目衰也。从眇，从大音眇。○眇目左右視也。

鼻 引氣自鼻也。从自，从舛。

鼻

巢

巢 鳥在木上也。从巛，从木，或省作巢。

雀

依人小鳥也。从小，佳。

雋

鳥肉肥也。从弓，所以射之。長沙有下雋縣。

奪

手持佳而失之也。从又，从奞。

萑

鷓屬。从佳，从艸，有毛角，所鳴其民有禍音完。

相 省視也。从目，从木。

眇 指目也。从目，又音滑。

皆 俱詞也。从白，从比。

習 鳥數飛也。从羽，从白。

翯 飛兒。从羽，从日音查，日者直上也。

翟 覆鳥令不飛去也。从网，从佳。○俗作罩。

奮 鳥張毛羽而奮起也。从大，从佳音筵。

奮 翬振起也。从奞，在田上。

萑 規萑商也。从又，持萑，一日度也。音霍，今作萑。

莖

戾也从艸从匕匕古文別今作乖

首

目不正也从丫从目音默

瞢

目不明也从首从叡叡目數搖也

蔑

勞目無精也从首从戌

鳴

鳥聲也从鳥口

美

甘也从羊从大羊主給膳味美與善同意

羌

西方牧羊人也从人从羊

羴

羊相廁也从羴在尸下尸屋也相出前也

矍

佳欲逸走也从又持佳矍矍然音卻

霍

鳥飛聲也雨而雙飛者其聲霍然

棄

捐也从升推棊棄之於外从流流弟子宜棄者也

幼

少也从幺从力

戔

斂也殆也从戈戔兵守之者危也

惠

仁也从心从叀爲惠者車也或从卉作蕙

敖

出游也从出从放

敦

光景流也从白从放音勺

雪

所依據也从受工○今作穩

守

五指持之也从受一讀若律

𠂔 殘穿也从又从白音殘

𠂔

禽獸所食之餘也从白从肉音殘

𠂔

死 澌也人所難也从白从人俗作死

𠂔

容 深通也从白从谷古文濬字

𠂔

溝也从𠂔从谷或从土作壑

𠂔

賁 奴探堅意也从𠂔从貝貝者堅寶也音概

𠂔

分解也从𠂔从刀

骨

肉之覈也从𠂔从肉

肘

臂接節也从肉从寸寸手口也

𠂔

𠂔 犬肉也从犬从肉

肥

多肉也从肉从卩○骨節有肉則肥也

筋

肉之有力者从力从肉从竹竹物之多筋者

初

始也从刀从衣裁衣之始也

制

裁也从刀从未物成有滋味可裁斷也一曰正也

刪

剗也从刀無冊書也

則

等畫物也从刀从貝貝貨也

釗

剗也从刀从金

罰

臯之小者从刀从罫人持刀罫人則應罰也

劍

楚人謂治魚也。从刀从魚。讀若

梨

刻也。从切从木。音七。

棗

手耕之曲木也。从木推丰。○今

解

判也。从刀判牛角。一曰解馬獸

等

齊簡也。从竹从寺。寺官曹之等

籛

易卦用蓍也。从竹从彘。彘古文

簋

盛黍稷之方器也。从竹从皿。从

筭

長六寸。計歷數者。从竹从弄。言

算

計數也。从竹从具。

典

五帝之書也。从冊在丌上。尊閣

尊

置祭也。从酋。酋酒也。下其丌也。

筮

所以收繩也。从竹象二人手相

左

手相左助也。从ナ工。今別作佐。

筮

貳也。差不相值也。从左从叀。○

鼻

室也。从垚。从卂。从白。今通作塞。

覡

男曰覡。女曰巫。从巫从見。謂能

甜

美也。从甘从舌。舌知甘苦也。

𦉰

飽也。从甘从肤。音厭。

甚

尤安樂也从甘从匹匹耦也。

沓

語多沓沓也从日从水語多如水流也。

曹

獄之兩曹也在廷東治事之處。从棘从日。今作曹。

亏

語平舒也从亏从入。入分也。今作平。

粵

于也。審慎之詞。从亏从采。

討

立也从豈从寸。寸手持之也。

鼓

郭也。春分之音。从壺支以象手擊之。按郭古廓字。

笄

今作登。禮器也。从升持肉在豆上。

虍

殘也从虎爪。虎足反爪人也。今作虍。爪古抓字。

益

饒也。从水皿。水有增益之意。

盈

滿器也从皿。盈古以買物多得為盈。盈俗作沽。

盥

仁也。从囚从皿。皿以食囚也。

盥

澡手也。从臼水臨皿。

彤

丹飾也。从丹从彡。彡其畫也。

飤

糧也。从食从人。俗作飼。

飧

饋也。从夕食。今作飧。

合

合口也。从亼从口。

僉

皆也。从亼从卬。从从書。僉曰伯夷。

侖

思也从人从無

糴

市穀入也从入从糴

射

弓弩發於身而中於遠也从矢
从身或作射同

央

中央也从大在冂之內大人也
一曰久也

就

就高也从京从尤謂尤異於凡
也

膏

用也从膏从自自知臭香而食
之音庸

稟

賜穀也从亠从禾

麥

芒穀也秋種厚穗故曰麥從來
从夂夂其穗也

龔

籥也舞也樂有章故从章从夂
从夂音坎

巵

入山之深也从山从入音深

全

篆文全字从入从玉純玉曰全

宄

淫淫行兒从人出於冂冂古文
冂郊外地也○音吟

崔

高之至也从隹上欲出口○音
確

臯

孰也从膏从羊音純

啗

啗也从口从亠亠受也音鄙

嗇

愛澆也从來从亠來者亠而藏
之

致

送詣也从夂从至

畷

治稼也畷畷然進而不止也从
田从人从夂音吉

第

爵之次弟也。从豐从弟。今通用秩。

某

酸果也。从木从甘。今通用梅。

析

破木也。从木从斤。

采

以手捋取也。从木从爪。

杳

冥也。从日在木下。

東

動也。从日在木中。

師

二千五百人為師。从巾从自。自，四币眾意。

糶

出穀也。从出从糶。

索

艸有莖葉可作繩索。从艸糸。

鬻

周人謂兄為鬻。从弟从眾。眾，相及也。俗通用昆。

枚

榦也。可為杖。从木从支。

杓

料柄也。从木从勺。

杲

明也。从日在木上。

休

息止也。从人依木。或从广作麻。

森

豐也。从林。爽，爽。古模字。卅四十也。○今通用蕪。

賣

出物貨也。从出从買。今作賣。

孛

寡也。从艸。人色也。故从子。

萼

艸木之榮也。从萼从艸。今作華。

鮮

艸木白華也。从華从白。

柬

分別束之也。从八八分別也。

刺

戾也。从束从刀。刀以刺之。讀若納。

圖

計畫之難也。从口从彐。一曰規畫之也。故从口。

國

邦也。从口从或。

困

故廬也。从木在口中。

因

就也。从口大。大人也。所口者大。因而就之。

囟

手取物而箱藏之。从口从又。音列。

困

尙之圓者。从禾在口中。音均。

貨

貝聲也。从貝从小。

贖

見也。从貝从夂。

負

恃也。从人守貝。一曰受貸不償也。

贖

以物質錢。从貝从敖。敖放也。貝放出。當取之也。

質

以物相贖也。从貝从斤。

買

市入也。从貝从网。

貶

損也。从貝从乏。

邑

國也。从口从卩。先王制邑。有尊卑大小。各有所節也。口古圍字。

郵

竟上行書之舍也。从邑从垂。垂者邊也。

巷

里中道也。从邗，从共。在邑，中人
所共也。或从邑，从共。

晉

進也。日出萬物皆進。从日，从廾。

昌

美言也。从日，从日。一曰日光也。

昆

同也。从日，从比。日日比之，是同
也。

旋

周旋也。从尃，从疋。疋，足也。人足
隨旌旗以周旋也。

族

矢鋒也。束之族，族然。从尃，从矢。

朙

月之光明未盛也。从月，出
照也。从月，从囧，亦作明。

夙

轉臥也。从夕，从夙，臥有時節也。
音宛。

早

晨也。日出在甲方，故从甲。

眚

望遠方合也。从日，匕，匕合也。音
眚。

𣎵

取視微眇也。从日，中視絲。

普

日無色也。从日，並。日色遠近皆
同，故从並。

旅

軍五百人為旅。从尃，从人。

曩

重也。古理官決臯，三日得其宜，
乃行之。从晶，从宀。

盟

國有疑事，則殺牲歃血以盟之。
从皿，从囧，或作盟。

明

古文明字。

夙

今作夙。早敬也。从夙，持事夕不
休也。

貫 錢貝之母。从母从貝。

貫

掌

厚脣兒。从多从尙。陟加切。

牖 壁上以木爲窗也。从片戶。从甫。

牖

科

程也。从禾从斗。斗量也。

香 芳也。从黍从甘。今作香。

香

兼

并也。从又持秝。兼持一禾。兼持二禾。

粲 春糗也。从白米。其九切。

粲

毀

米一斛。春爲八斗也。从粲从殳。音毀。

春 今作春。擣粟也。从井持午。臨曰上。午古杵字。

春

雷

春麥去皮也。从日干。干所以雷之。

苗 齊人謂春爲苗。从白艸。讀曰粕。

苗

咎

小阱也。从人在臼上。音陷。

臼 扞臼也。从爪臼。以沼切。

臼

兇

擾恐也。从人在凶下。

械 分離也。从支从棘。棘分散之意。今通用散。

械

麻

與棘同。人之所治。在屋下者。从广从麻。

奧 宛曲也。室西南隅。从白从彘。

奧

寧

安也。从宀。心在皿上。皿飲食之器。所以安人。

安

靜也从女在宀下。

定

安也从宀从正。

察

覈也从宀从祭祭祀宜慎必審察之故从祭。

實

富也从宀从貫貫貨貝也。

容

盛也从宀谷屋與谷皆所以盛受也。

穴

蔽也从宀人在屋下無田事也。

宦

仕也从宀从臣。

宰

屋下執事者執事必勞苦故从宀从辛。

害

傷也害从家起故从宀从口丰惡艸也。

窳

今作寒凍也从人在宀下以髀覆之而有欠也。

守

守官也从宀从寸寸法度也。

宗

尊祖廟也从宀从示示神示也。

宋

居也从宀从木。

寡

少也从宀从頌頌分賦也。

躬

身也从身从呂或作躬。

窵

通也从身在穴中。

突

犬從穴中忽出也从犬在穴內。

窞

物在穴中出也从穴出。

竄

驚堅也。从鼠入穴中。

痲

並氣也。从疒从夨。或省作歎。

疾

熱病也。从疒从火。俗作疹。

冢

覆也。从冂从豕。音蒙。

覓

突前也。从冂从見。音夢。

最

犯而取之也。从冂从取。

兩

平也。从廿五行之數。二十分爲一辰。兩兩平也。

羅

以絲罟鳥也。从网从維。

詈

罵也。从网从言。以言罵人。卽有辜也。

罷

遣有辜人也。从网能言賢能而入网。宜貰遣之。

置

赦也。从网直。

羈

馬絡頭也。从网从羸。或从馬从革。从网。

帚

糞除也。从又持巾埽口內。

窠

際見之光也。从白上下从小。小見也。音同隙。

仁

親也。从人从二。仁者兼愛。故从二。

伊

聖人尹治天下者也。从人从尹。

佩

大帶佩也。从人从凡。从巾。佩必有巾。

仕

學而入官也。从人从士。

信 小臣也从人从官。

起也从人从乍。

作

僭也从人从疑。

疑

與也从寸持物對人寸手也。

付

弱也从人从奠俗作軟。

便

擊也从人持戈一曰敗也。

伐

今作弔問人之終也从人持弓。

弔

會葬而毆禽也。

件

分也从人从牛牛大物故可分。

頃

頭不正也从匕从頁。

侵

漸進也从人又持帚若埽之進又手也。

覘

列庭中之左右曰位从人立。

位

便

安也人有不便則更之故从人从更今作便。

伏

司也从人从犬司古伺字。

咎

災也从人从各各者相違也。

甸

人在山上从人从山今作仙。

甸

相次也从匕从十音包。

印

望而及之也从匕从卩今作印。

卓

高也从匕从早或作卓

目

很也从匕目謂目相比而不相下也今作良

從

隨行也从辵从从

并

相從也从开从从一曰持二爲并

眾

多也从丞从目今作衆

壬

善也从入从土土事也一曰象物出地挺生也故或从土

望

月滿與日相望如臣朝君也从月从臣从壬壬朝廷也

至

近求也从爪从王王傲委也今作𠂔○音吟

臥

休也从人臣取其伏也

賢

小兒嬾餐也从臥从食音嫌去聲

殷

作樂之盛也从頁从殸

裘

上衣也从衣从毛古人衣裘以毛爲裘今作表

褻

以組帶馬也从衣从馬俗作褻非

老

考也人七十曰老从人毛匕匕毛髮變白也

屍

髀也从尸下兀居几几象兩脛也○音滕

扇

從後相插也从尸从番

屍

人之終所存形骸也从尸死

屋

居也从尸尸所主也一曰尸象屋形从至人所至止也

肩 臥息也从尸从自許介切

屎 人小便也从尾从水俗作尿

舡 空中木爲舟也从舡从舟从𠂔
𠂔水也

般 般辟也象舟之般旋从舟从反
爰所以旋之

兀 高也从一在儿上兀籀文人

兄 長也从儿从口兄之爲人以口
教其弟也

先 舟進也从兀从出

見 視也从儿从目

尋 取也从見从寸寸手也古文以
爲得字

次 有所慕而口液也从欠从水俗
作涎

覿 見雨而止息也从覿从雨音系

盜 私取人物也从次从皿次欲皿
而盜取之

顛 白兒从頁从景一曰頭白兒

煩 怒而頭痛也从頁从火

順 理也从頁从川

𦘔 截也从首从斷或作𦘔同

𦘔 面枯焦小也从面从焦俗作𦘔

𦘔 擊也从系持𦘔俗作𦘔非

須

面毛也从頁从彡

彡

髮禿也从彡从人或作鬣同

彪

虎也從彡从文 𧇧今作彪

髟

長髮髟髟也从長从彡音飄又音瑞

髦

髮也从彡从毛

詞

意內而言外也从司从言

令

發號也从亼从卩

卸

舍車而解馬也从卩止午馬也

印

執政者所持之信从卩从爪

辟

法也从卩从辛節制人舉也从口用法者也

勹

在手曰勹从勹米俗作掬

勺

少也从勹二二者均也

旬

徧也十日為旬从勹从日

勺

覆也从人在勹中音保

胞

兒生裏也从肉从包

敬

肅也从苟从支

鬼

人所歸也从人由从厶鬼陰氣感害故从厶

彪

老精物也从鬼彡或作彪同

羞

相訕呼也从亼从羞或作誘同

屾

取隅高山之節从山从卩

庫

兵車之藏也从車在广下

廛

二畝半一家之居从广里而八分其土也

庌

屋下人眾也从广从夂夂古文光字

产

仰也从人在厂上一曰屋梠也音尾

危

在高而懼也从厃自卩止之

媯

从女弄丸也讀若貫

耐

皐不至髮也从而从彡或作耐

康

虎豕相鬥不解也从豕虎音巨

豨

豕怒毛豎从豕辛辛剛也音刈

薦

獸所食艸从薦从艸

麤

刑也平之如水馬觸不直者去之故从厶或省作汰

麤

鹿行而砂土起也从麤从土○今作塵

兔

狡兔也从兔从免音殘

逸

失也从兔辵兔善走設詭而逃也

兔

屈也从兔从卩兔在卩下不得走益屈折也

媯

兔子也一曰疾也从女兔音勉

昊

犬視兒从犬从目音業

戾

曲也从犬出戶下身曲戾也

獄

拘囚辜人之所从獄从言二犬所以守之

灰

死火餘盡也从火从又又手也火既滅可剝其灰也

夔

火所傷也从火夔或省作焦灼龜不兆也从火从龜音焦

光

明也从火在儿上

燮

火孰物也从又持炎辛辛者物孰之氣味也音協

熒

屋下鑿燭光也从焱从門

犷

犬食也从犬舌

臭

禽走而臭之知其迹者犬也从犬自自古鼻字

賚

柴祭天也从火从容容古文慎今作祭

烜

火盛也从火从多

熨

以上案下也从扌又持火以尉申檜也俗別作熨非

炅

見也从火从日音炯

威

火滅也从火戌火死于戌

燹

兵死及牛馬血爲燹鬼火也从炎从舛今作燹

榮

火盛兒从焱在木上一曰役也音駘

炙 炮肉也从肉在火上。

奄 覆也。大有餘也。从大从申。

契 大約也。从大从𠂔。

夷 平也。从大从弓。東方之人也。

吳 大言也。从矢口。又姓也。

絞 縊也。从交从糸。

羸 剗中病也。从允从羸音裸。

睪 目視也。从四从𠂔。令吏士捕辜人也。

圉 圍以拘辜人。从𠂔从口。一曰。圉人掌馬者。

盭 引擊也。从幸。支之見血也。音周。扶風有盭屋縣。

報 論當辜人也。从幸从民。民者服辜也。

參 奢或作參。張大也。从大从多。

奏 今作奏。進也。从夊。从升。从中。中象上進之意。

鼻 大白澤也。从大从白音好。

昇 春爲昇。天元氣昇。昇也从日。亦今作吳。

駉 驚走也。一曰往來也。从夊从馬。音晃。

規 有法度也。从夫从見。

隸 臨也。从立从隸。○俗作莅。作粒。

竦

敬也从立从束束自申束也

竦

見鬼彪兒从立从彙彙古文彪竦音伏

意

志也从心音謂心察音而知其意也

惠

外得於人內得於己也从直从心今通用德

憇

疾利口也从心从無無厭也音先

忍

怒也从心从刃音刈與忼異

忘

不識也从心从亡

態

意也从心从能心能其事自有態度也

愚

韞也从心从禺禺猴屬獸之愚者

慙

愁也从心从頁慙形於顏面也○今通作憂

衍

水朝宗于海也从水从行

沙

水中細散石也从水从少水少沙見

洩

水流也从水从彘○今作決

沒

沈也从水从殳

泐

水石之理也从水从叒

洧

溝水流也从水从行

洄

滄洄也从水从回

汙

浮行水上也从水从子俗作汙

澗

小水入大水也从水畧

溼

幽溼也从水一所以覆之其下有土故溼也

湫

徒行水也从水从步篆省作涉

侃

剛直也从侃侃古文信从川取其不舍晝夜

邕

四方有水自邕城池者从水从邑

臚

血理分支裒行身體中者从臚从血俗作脉非

休

人没于水也从人从水今通用溺

冰

水堅也从水冫或作凝

扇

屋穿雨而水下也从雨在尸下尸屋也

礧

履石渡水也从水从石音厲

瀦

水行也从水从流忽出也篆省作流

瀕

水厓人所賓附類蹙不奔而止从頁从涉今亦作頻

垩

水脈也从水在下一地也壬省古文从壬作垩

原

水泉之本也从泉出厂下俗作源

覩

衰視也从瓜从見俗作覓非

濬

深通川也从水从畚

寒

今作冬四時盡也从冫从夂夂古文終

霏

雨濡革也从雨非匹各切

電

陰陽之氣相激耀也从雨从申申者神也

漁

捕魚也从魚从水篆省从魚

孔

通也从乙从子乙至而得子嘉美之故孔又有活意

乳

人及鳥生子曰乳獸曰產从孚从乙乙玄鳥也

瑩

忿戾也从至至而後孫孫者遁也音室

庠

始開也从戶从聿聿始也

閒

隙也从門从月閉門而見月是有閒隙矣

閉

闔門也从門从才木材也所以距門者

閑

門闌也从門中有木以止之

開

張也象兩手開門形从門一収

𠂔

登也从門二自下而登上也音贈二古文下

閃

窺頭於門也从人在門內

闕

馬出門兒从馬在門中丑禁切

駮

馬逸足也从馬从飛

聑

軍法以矢貫耳从耳从矢音坵

聯

連也从耳耳連於頰也从絲者相連不絕也

摯

握持也从手从執今別作贊

承

奉也受也从手从卂从収

投

隨也从手从攴。

擗

首至地也从手从華或从兩手下作拜。

插

刺肉也从手从叀。

脊

背呂也从𠂔从肉。

妻

婦與夫齊者也。从女从巾。从又。又手持事妻之職也。

婦

服也从女持帚灑埽也。

威

主也。从女从戌。土盛於戌。陰之

奴

奴婢古皆鼻人爲之。从女从又。又手持事也。

好

美也。从女子。子者男子之美稱也。

委

委隨也从女禾。又委曲也。取禾采委曲之意。

如

從隨也。女子從父之教。從夫之命。故从女从口。

嬰

頸飾也从女照。照其連綴者也。

婁

空也。从女从母。中空之意。一曰務也。

媼

媼也从女从弱。

姓

人所生也。从女从生。天子因生而賜姓。

娶

取婦也。从女从取。

毒

人無行也。从土从毋。秦有嫪毐。以淫誅。音謫。

戎

甲兵也。从戈从甲。

成

守邊之士也。从人荷戈。

賊

敗也。从戈从則。支部敗下云。敗賊皆从貝會意。○今作賊。气也。亾人爲匈。气今作乞。

匈

盛弓矢器也。从匚从矢。音異。

医

木工也。从匚从斤。斤所以作器者。

匠

聯微絲也。从糸从鼠。

絲

斷絲也。从糸从刀从卩。

絕

車中所把也。从糸从妥。

綏

腹中蟲也。左傳皿蟲爲蠱。晦淫之所主也。

蠱

俄

絕也。一曰田器。从二人持戈音先。

義

身之威儀也。从我从羊與美善同意。

區

跨區藏匿也。从品在匚中。品象多物也。

匹

帛四丈也。从八匚。八揲爲一匹。

孫

子之子曰孫。从子从系。系續也。

繭

蠶衣也。从糸从虫。从市。

絲

馬髦飾也。从糸从每。今作繁。

轡

蟲之大腹能飛者。从龜从虫。

蠅

次 不齊也不精也从欠从二

亟 敏疾也从人从口从又从二二
者天地閒也

亘 求亘也从二从回象重回形上
下之所求物也俗作亘

恆 常也从心从舟在二之閒上下
不已也

坤 地也易卦也从土从申土位在
申

埽 棄也以帚去土也从土从帚

塞 隔也从土从彘○今作塞

坐 止也从二人在土上

封 爵諸侯之土也从土从寸
寸守其法度也

聖 致力於田土也从土从又音窟

里 人所居也从土从田

蓄 田家畜養牛羊雞犬也从田从
茲茲生也或省作畜

男 丈夫也从田从力言男子用力
于田也

加 語相增加也从力从口

劣 弱也从力少

劫 人欲去而力止之或曰以力奪
人物而去从力从去

協 同心之和也从彘从心

駟 同思之和也从彘从思

綴

合箸也从彳从糸

亂

治也从乚从亂乚以治之

祀

搥擊也从巴帚音把

辭

不受也从辛从受人受辛則辭之

辯

治也从言在辨之閒

辱

進也一曰呻吟也从弄在尸下尸屋也

胙

食肉也从丑从肉

曳

曳曳也从申人

茜

禮祭束茅灌酒曰茜从酉从艸

獸

守備禽畜者从獸从犬犬所以守之

𡗗

謹身有所承也从己丞

臯

人犯法治臯臯鼻苦辛之狀故从辛自今通用罪

辭

訟也說也从辛𡗗理人臯也

狃

生子免身也从子从免

香

盛臭从弄从日音怡

辱

恥也从寸在辰下辰爲農時農失耕時則戮辱之

曳

束縛捽拽也从申从乙乙屈也

醉

卒也卒其度量不至于亂也从酉从卒

醫

治病工也。醫病聲。酒所以治之。

醢

肉醬也。从酉。盍。

右以上六百三十八字皆合兩文三文四文以成會意之體者。惟九千餘字采錄不無遺漏。卽以此類推之。

增會意補遺。

古

故也。十口相傳則爲古矣。

今

是時也。从人。从儿。古文及。

支

去竹枝也。从手持半竹。又手也。

器

皿也。从器象器之多。犬所以守之者。

轉注第五 許氏曰轉注者建類一首同意相受考老是

也。叔重遠宗周孔博訪通人竭畢生心力成說文解字一書其敘六書也各以二字發凡蓋必確有師承傳之自古豈出之臆斷乎。乃轉注一說者日益支離至

國朝戴氏東原主互訓之論而桂氏段氏宗之幾對若畫一矣。近時朱氏駿聲又以引申爲轉注自信突過前賢而豈知於保氏之義固無當耶。信如其說九千餘字其無引申之訓者幾何。是何異江氏分部之說凡形聲之字皆爲轉注者其謬一介乃居然斥許說爲誤真勇

於武斷矣。愚攷本書說解轉者，運也。注者，灌也。譬之水。江漢巨流，分派別出，爲沱爲潛，其水固非江漢之全，而分派所經之處，又展轉納受他水，隨地易名。第攷究根原終，不得謂此水非自江漢分出。此轉注之說，必主於建類一首，同意相受者也。又或謂省形省聲之字，卽形聲之字。此說亦非，何以明之？如江河松柏等形聲之字，皆合兩文而成。一形一聲，各具全體，豪不減省。至轉注之字，則考从老省，履从履省，老字去匕，履字去复，皆不成字。又如馨从學省，營从熒省，學字去子，熒字去火，亦

不成字。惟其不成字，而或取其意以配聲，或取其聲以配形。雖彼此之意宛轉灌注，而究有一未成形者合之。是顯與江河之例迥不相符，安得不別立轉注一法以統之哉！近代名儒如孫淵如先生、曾文正公皆深知此義，略見於論著中。惜乎言之未詳，學者因襲舊聞，罔窺真諦。蒙不揣曷陋，輒就管見所及，与次許書中轉注之字彙而錄之，以冀無戾於敘例之旨。其是與非，俟有道之君子論定焉。養轉注。

考

考老也从老省亏聲。

考

老考也。七十曰老。从人从毛。匕須髮變白也。○按段氏云老字止从毛。匕會意。毛字中畫下長非人字。其說字形並舛。不可從。

考老二字。許君以之發例。然不曰老考。而曰考老者。蓋老爲會意字。其體非从考省。若考字則从老省。而取丂聲。其體从老而出。故云考老也。夫老爲建類之首。凡壽考耆耄。皆受老意。而配所取之聲。是老字雖省其形。而其意仍分注於壽考等字之中。犛犛畫畫烏馬囊彙各部之字。莫不皆然。此轉注之定法。若以考訓老。以老訓考。遂舉互訓之字。悉併轉注。則汜濫無垠。大背敘例之旨。且漢魏以前。詁訓經典。從無併注者。此前賢千慮之

一失不必妄相附和也

犛部

犛

犛西南夷長毛牛也从牛犛聲

犛

犛犛牛尾也从犛省从毛

犛

犛疆曲之毛也可以著起衣者从犛省來聲段氏曰著同積裝衣也

谷部

谷

谷象形

丙

丙舌兒从谷省象形讀若沾

丙

古文丙讀若三年導服之導○按一切經音義有丙字云古文關與丙小異丙導聲近疑卽丙之古文丙从丙聲或亦丙之譌耳

夔部

夔

見指事

夔

夔所以枝鬲者从夔省鬲省音寫

鬯

鬯血祭也象祭竈也从鬯省从酉分聲酉者酒也

畫部

畫

畫指事

晝

晝日出入與夜爲界从畫省从日

殺部

殺

拊指事

弑

弑臣殺君也从殺省式聲式試也

眉部

眉

眉象形

眇

眇視也从眉省从中中通議也

鳥部

鳥

鳥象形

𪇑

𪇑誰也象形从鳥省

馬

馬江淮閒黃色鳥也从鳥省象形

蕞部

蕞

蕞象形

再

再一舉而二也从蕞省从一

再

再并舉也从爪蕞省

筋部

筋

筋會意

筋

筋手足指節鳴也从筋省勻聲

筋

筋筋之本也从筋省死省聲

高部

音欠
增京高二部

高

高象形

高

高民所安定也从高省丁聲

高

高小堂也从高省同聲或作廡

高

毫京兆杜陵亭也从高省毛聲

京

京人所居絕高上也从高省一象高形

高

高獻也从高省日象進孰物形音同鬻

畱部

富

員滿也从高省田象高厚之形。按許書無偏字富即偏也

良

良善也从畱省亾聲。按从畱省者取既富方穀之意

稽部

均榷字

稽

稽畱止也从禾从尤旨聲

稽

稽特止也从稽省卓聲。按此卓立本字

稽

稽榷而止也从稽省咎聲音

稽

榷積也从禾从又句聲又者从丑省一曰木名

巢部

巢

巢象形

𦉳

𦉳傾覆也从寸白以覆之寸人手也从巢省音貶

𦉳部

𦉳

𦉳囊也。从束困聲。音柶。

𦉳

𦉳囊也。从𦉳省石聲。

𦉳

𦉳囊也。从𦉳省襄省聲。

𦉳

𦉳囊張大兒。从𦉳省旬省聲。

寢部

寢

寢寐而有覺也。从門从𦉳。夢聲。

寢

寢臥也。从寢省未聲。

寢

寢病臥也。从寢省寔省聲。

寢

寢寐覺而有言也。从寢省吾聲。

寢

寢楚人謂寐爲寢。从寢省女聲。衣倨切。

寢

寢寐而厭也。从寢省米聲。○按厭俗作魘非。

寢

寢孰寐也。从寢省水聲。

寢

寢臥驚病也。从寢省丙聲。

癩

癩癩而言也从癩省臬聲

寤

寤臥而驚也从寤省从言一曰小兒號寤寤也音括

疒部

疒

疒倚也象人疾病倚箸之形

疾

疾病也从疒矢聲

病

病疾加也从疒丙聲

按疒部一百二文自疒癘以下九十餘字皆受疾病之意爲其轉注而說解不云从疾病省而仍云从疒某聲者則以建首之文爲疒而疾病字从疒形配聲故祇云从疒不云从疾省从病省也此與酉部各字从酒受意而云从酉者爲一例

教部

教會意兼形聲。

教

斆

斆覺悟也从教口冫尙蒙也。曰聲。教會意。

斆

篆文斆从教省曰聲。

瓠部

瓠

瓠匏也。从瓜夸聲。

瓠

瓠蠶也。从瓠省粟聲。

重部

重

重厚也。从壬東聲。

量

量稱物之輕重也。从重省畀省聲。

老部

老

老會意。○按晉書衛恆傳引說文老壽考也。當是原本。

耄

耄率八十曰耄。从老省。从至。

耇

耇老也从老省旨聲

耇

耇老人面如點也从老省點省音耿

耇

耇久也从老省鬲聲

孝

孝善事父母者从老省从子

履部

履

履足所依也从尸从彳从文舟象履形兼會意

屨

屨履下也从履省屨聲

屨

屨屨也从履省支聲

飲部

耇

耇老人面凍黎若垢从老省句聲

耇

耇老人行才相逮也从老省从勿音樹

耇

耇老也从老省丂聲

耇

耇年九十曰耇从老从高省今作耇○建首不省

屨

屨履也从履省婁聲

屨

屨履屬从履省子聲

屨

屨屨也从履省喬聲

飲

飲飲也从人含聲俗作飲

飲

飲飲也从飲省聲

鹽部

鹽

鹽鹹也从鹵監聲

鹽

鹽河東鹹池也从鹽省古聲

鹵

鹵鹵也从鹽省食聲

弦部

弦

弦象形

絃

絃急戾也从弦省少聲俗作

𦉳

𦉳弼戾也从弦省从𦉳音戾

𦉳

𦉳不成不遂而急戾也从弦省曷聲音氣

絲部

絲

絲象形

絲

絲織絹以糸貫杆也从絲省

酉部

酉

酉就也。八月黍成，可爲酎酒。
象古文之形。

𠂔

𠂔，古文酉，从卯一。卯爲春門，
𠂔爲秋門，一者閉門之象。

𠂔

酒就也，所以就人性之善惡。
从酉从水。

按說解所云，𠂔爲古文酉，酒从水从酉，似酉與酒截然爲二，而酉𠂔則一字也。然細繹其詞，酉訓就，酒亦訓就，而𠂔訓爲秋門，與卯爲春門相對，而取以一加卯象閉門之意，是卯酉之酉本作𠂔，而酉爲酒之古文，自借酉爲𠂔，乃於酉加水爲酒，酉遂與𠂔爲一字矣。究而言之，𠂔止與卯對，而酉字實與酒同，故从酉之字，卽係从酒。

省凡酉部內醞釀等五十二字皆受酒意爲酒之轉注而說解但云从酉某聲不云从酒省者亦如𠃉部各字例尒許書五百四十部惟𠃉酉二部如此蓋省疾字酒字之形而取其意以配聲與老履諸部無異昔賢已有論及此者愚更爲暢發之以明許君之愼惟从𠃉从酉字數踰百不及備錄故祇述其義例云

右省建首之形取其意以配聲者計二十六部

示部

示 示指事

齋

齋戒潔也从示齊省聲

祝

祝主祭祀贊詞者从示从人
口一曰从兒省易曰兒爲口

示

祭設縣絕爲營以禮災也从
示營省聲

按示部崇下有禱字云古文崇禱下有駟字云或從馬
壽省聲此二字皆可疑禱从示隋省隋訓裂肉卽从墉
省亦與崇意無涉禱訓禱牲馬祭名或體作駟當从禱
省否則直取曷聲亦可曷爲从壽省如此等字恐非許
君原文錄之頗與敘例抵牾故示部去此二字不錄以
後各部仿此學者以類推之勿疑其遺漏也

玉部

王

玉象形

瑛

瑛圭璧上起兆瑛也从玉篆
省聲

瑩

瑩玉色也从玉熒省聲

珊

珊瑚也从玉刪省聲

艸部

艸

艸象形

葶

葶覆也从艸侵省聲

藟

藟日精也以秋華从艸藟省聲俗通用藟

茲

茲艸木多益也从艸絲省聲

藟

藟糞藏也从艸胃省

茸

茸艸茸茸兒从艸聰省聲

玳

玳肩玳也从艸筑省聲

蔞

蔞藍蔞秀也从艸隨省聲

蓐部

蓐

蓐陳艸復生也从艸辱聲

蓐

蓐拔去田艸也从蓐好省聲

八部

八

八指事

余

余語之舒也从八舍省聲

牛部

牛

牛象形

犢

犢牛子也从牛讀省聲

犖

犖駁牛也从牛勞省聲

牼

牢開養牛馬園也从牛冬省
又古文終

告部

告

告壻指事

𦉳

𦉳急告之甚也从告學省聲

口部

口

口象形

昏

昏塞口也从口卒省聲今作
舌音同括

哭部

哭

哭哀聲也从卍獄省聲

按段注於此字云許書言省聲多有可疑者取一偏旁不載全字指爲某字之省若家之从豕省哭之从獄省皆不可信獄固从𡗗而取其半何不取獨倏俗穀之省乎並謂哭本犬嗥而移以言人應與狡獪猜猛一類其言甚辨然求之六書之旨不免乖舛蓋哭之从獄省聲者以人居獄中尠不愁苦悲泣故古人制哭字卽取其意以與卍相貫通而因省其形以得其聲此正建類一

首同意相受之恣也。段氏專主互訓爲轉注，而概以省聲爲形聲，故有此疑。愈說而愈遠矣。且哭字之犬，从獄所省，以取聲者，非犬之本訓，故不以犬叩爲會意。又獄旣省其形，僅取其相近之聲，故亦不得爲形聲。二體之中，無一可居，將舍轉注而安歸乎？許君敘例之說，遠有所受，未可輕議。段氏表章其書，不遺餘力，精詣處不少，獨惜轉注一法，未能深心體會，實美中之不足，亦無庸諱云。

止部

止

止指事

歸

歸女嫁也从止从婦省自聲

辵部

辵

辵指事

邁

邁遠行也从辵夔省聲

進

進登也从辵間省聲

迳

迳迳起也从辵作省聲

送

送遣也从辵併省聲

逐

逐追也从辵从豚省

足部

足

足指事

躡

躡住足也从足適省聲

躡

躡踐處也从足斷省聲

蹇

蹇跛也从足蹇省聲

蹇

蹇馬行兒从足決省聲

商部

商會意

商

商以外知內也从尙章省聲

言部

言直言也从口辛聲

言

言言微親言也从言察省聲

言

言小聲也从言炎省聲

言

言言也從言勻省聲

言

言誤也从言挂省聲

言

言失氣言也从言龍省聲音

言

言悲聲也从言斯省聲俗作田

言

言言也從言彙省聲

辛部

辛舉也从干二二古文上音

童

童男有鼻爲奴奴曰童女曰妾從辛重省聲

辛

恣

井部

𠂔

井指事

𠂔

具供置也从井具省聲

𠂔

奂取奂也一曰大也从井奂省

臼部

臼

臼指事

𠂔

要身之中也从臼交省聲

鬥部

鬥

鬥指事

𠂔

鬪鬪也从鬥賓省聲俗作鬪

𠂔

閱試力士錘也从鬥从戰省音縣

又部

附隶部

又指事

度 度法制也。从又，度省聲。

隶 隶及也。从又，从尾省。

史部

史 史會意

事 事職也。从史，亼省聲。

受部

受 受役也。从又，儿聲。

段 段椎物也。从受，耑省聲。

取部

取 取堅也。从又，臣。

緊 緊纏絲急也。从取，从絲省。

寸部

寸 指事

將 將帥也。从寸，从醬省聲。

皮部 坳 養部

皮 剝取獸革者。从又，从爲省。

質 質柔韋也。从北，从皮省，頁省。音與。

支部

支 小擊也。从又，卜聲。俗作扑。

𠄎 擊也。从支，𠄎省聲。○按此字可疑。

攸 行水也。从又，从人，从水省。

𠄎 使也。从支，𠄎省聲。音微。

用部

用 可施行也。从卜，从中。

甬

甬 甬具也。从用，苟省。

甬 甬所願也。从用，盜省聲。

目部

目

目象形

眴

眴目搖也从目勻省聲

管

管惑也从目管省聲

白部

𠂇

白古文自

隹部

隹

隹象形

𪗇

𪗇鳥也从隹兩省聲

眾

眾目相及也从目隹省

瞽

瞽省視也从目啟省聲

瞶

瞶目眇也从目蔑省聲

魯

魯鈍詞也从白藪省聲

癩

癩擊鳥也从隹瘡省聲一日
从人或作癩同

羊部

羊 羊象形

羴 羔羊子也从羊照省聲

鳥部

鳥 鳥象形

鷩 鷩鳥名从鳥說省聲

鷩 鷩鳥也 从鳥榮省聲

鷩 鷩飛兒从鳥寒省聲

受部

受 受指事

𠬞 受相付也从受舟省聲

夂部

𠄎

隋裂肉也从月陞省聲

𠄎

脆小爽易斷也从月絕省聲俗作脆非

刀部

刀

刀象形

𠄎

利銛也从刀从和首和然後利也○按此說轉注最明析

𠄎

刷刮也从刀𠄎省聲

角部

角

角象形

𠄎

解解實曰觶虛曰觥从角場省聲

觥

觥調弓也从角弱省聲

乃部

乃

乃指事

𠄎

適驚聲也从乃省𠄎聲音仍○按此疑有譌視

豆部

附豈部

豆

豆象形

蒸

蒸，蒸也。从豆，蒸省聲。

豈

豈，還師振旅樂也。一曰欲也。登也。从豆，自省聲。按各本作从微，省，今改正。說詳雜說篇。

皿部

皿

皿象形

醴

醴，酢也。作醴以鬻以酒，故从鬻。酒省。按此說轉注之意。

血部

血

血指事

盥

盥，腫血也。从血，農省聲。今作膿。

𩚑

𩚑，定息也。从血，粵省聲。音廷。

井部

井

井象形

井

井深池也从井井聲

食部

增倉部

食

食一也。从亼，亼聲。○按一字譌段氏改作亼米也。

飡

飡食也。从食，參省聲。

倉

倉穀所藏也。倉黃取而藏之。故謂之倉。从食，省口象倉形。

會部

會

會合也。从亼，从曾，曾益也。○按此當為亼之轉注，隸亼部而自為建首者，以餽、會二字無部可歸耳。前隶豈等皆同。

缶部

缶

缶象形

缶

缶，瓦器也。从缶，包省聲。○按缶與甗同，今通用陶。

罍

罍，備火長頸甗也。从缶，炎省聲。

罍

罍，器破也。从缶，決省聲。

矢部

𠄎

矢象形

𠄎

𠄎況也詞也从矢引省聲俗作矧

𠄎部

𠄎

𠄎象形

𠄎

𠄎缺也古者城闕其南面謂之𠄎从𠄎缺省聲

𠄎部

𠄎

古文回象形

𠄎

市買賣所之也市有垣从𠄎从冫古文及出省聲

𠄎部

𠄎

𠄎指事

𠄎

𠄎長味也从𠄎鹹省聲

𠄎部

𣎵

又指事

𣎵

復行故道也从文音省聲

舛部

舛

舛指事

𣎵

𣎵車軸耑鍵也兩穿相背从舛𣎵省聲

木部

木

木象形

𣎵

𣎵傳信也从木啟省聲

檣

檣屋檣聯也从木邊省聲

榮

榮樹木華也从木榮省聲

𣎵

𣎵栝也从木隱省聲

祝

祝樂木中空也所以止音爲節从木祝省聲

經

經極也从木陞省聲

特

特槌也从木特省聲

林部

林

林象形

鬱

鬱木之叢生者从木鬱省聲

生部

生指事

生

產

產生也从生彥省聲

穉

穉艸木實穉穉然也从生穉省聲

貝部

貝

貝象形

贖

贖賜也从貝贖省聲

賈

賈行賈也从貝商省聲。○今通作商

邑部

邑

邑會意

窳

窳夏后時諸侯拜國也从邑窮省聲

日部

日象形

日

啓

啓雨而晝姓也从日啟省聲

昏

昏日冥也从日氏省聲一曰民聲

晁

晁盪溼也从日報省聲

否

否日不見也从日否省聲

夕部

夕指事

夕

夜

夜舍也天下皆休舍也从夕亦省聲

夢

夢不明也从夕菅省聲

禾部

禾象形

禾

秦

秦地宜禾从禾春省聲一曰禾名

煇

秋禾穀熟也从禾煇省聲

黍部

黍

黍禾屬而黏者以大暑種故謂之黍从禾雨省聲

黍

黎履黏也从黍利省聲利古文利字

米部

米

米象形

籩

籩酒母也从米籩省聲俗作麴

瓜部

瓜

瓜象形

瓠

瓠小瓜也从瓜奘省聲

瓠

瓠瓜也从瓜絲省聲

瓠部

賈

賈空也。从穴，賈省聲。○按此从賈省，兼取其意，正轉注最明顯處。故不从賣聲。爲形聲字。段氏遇此等處，輒刪省字，非也。

疒部

疒

疒指事

癘

癘，惡疾也。从疒，蠱省聲。○俗作癘。

巾部

巾象形

微

微，幟也。从巾，微省聲。

衤部

衤

衤象形

粉

粉，衣畫粉也。从衤，粉省聲。

疒

疒，小腹病也。从疒，肘省聲。

癘

癘，動病也。从疒，蟲省聲。

席

席，籍也。从巾，庶省聲。

黼

黼，會五采，繒色也。从黼，綵省聲。

人部

人象形

𠤎

效妙也从人从支豈省聲

𠤎

伎很也从人弦省聲

傷

傷創也从人殤省聲

壬部

壬善也从人士士事也會意

徵

徵召也土有善行于徵而聞達者徵之从壬徵省壬亦聲

臥部

臥會意

監

監臨下也从臥隹省聲

衣部

衣象形

襲

襲左衽袍也从衣襲省聲

襜

襜無袂衣也。从衣，隋省聲。

褰

褰袴也。从衣，寒省聲。

褻

褻衣博裾也。从衣，保省聲。

褻

袁長衣兒。从衣，重省聲。

縗

縗鬼衣。从衣，熒省聲。

尸部

尸

尸象形

展

展轉也。从尸，襄省聲。

舟部

舟

舟象形

舠

舠船行不安也。从舟，刂省聲。音兀。

儿部

儿

儿古文奇字人也。

充

充長也。高也。从儿，育省聲。

𦉳部

𦉳 𦉳象形

𦉳

兜兜鍪首鎧也从𦉳从兒省

見部

見 見會意

覺

覺寤也从見學省聲一曰發也

𦉳 𦉳目赤也从見𦉳省聲

欠部

欠 欠指事

𦉳

𦉳所歌也从欠噉省聲

𦉳 𦉳意有所欲也从欠𦉳省

𦉳

𦉳笑不壞顏也从欠引省聲

𦉳 𦉳吟也从欠鷄省聲

次部

次

次會意

羨

羨貪欲也从次从羨省

頁部

頁

頁會意

頰

頰頭妍也从頁黠省聲

頰

頰低頭也从頁逃省或作俛

頰

頰難曉也一日鮮白兒从頁粉省音內

彡部

彡

彡象形

皃

皃細文也从彡省省聲

髟部

髟

髟會意

髟

髟亂髮也从髟其省聲

鬢

鬢髮墜也。从髟，隋省聲。

勺部

勺

勺象形

率

率，曲也。从勺，彖省聲。

苟部

苟

苟，自急救也。从羊，省包省。从口者，慎言也。从羊，與美善同意。敬字从此。

鬼部

鬼

鬼會意

魘

魘，見鬼驚也。从鬼，難省聲。

由

由

由象形

𧈧

𧈧，惡也。从由，从虎省。古文作𧈧。

山部

山

山象形

岑

岑山在宏農岑陰从山岑省聲

嶽

嶽山多大石也从山學省聲

隄

隄山之墮墮者从山隄省聲

广部

广

广象形

庀

庀屋牝瓦下一曰維網也从广闕省聲音桓

厂部

厂

厂象形

庀

庀唐庀石也从厂庀省聲

厖

厖旱石也从厂董省聲

厖

厖岸上見也从厂厖省音約桂氏曰當从出省

石部

石

石象形

巖

巖石聲。从石，學省聲。

巖

巖餘堅者。从石，堅省聲。

豕部

豕

豕象形

豨

豨，上谷名。豕，豨。从豕，役省聲。

豨部

豨

豨象形

豨

豨，蟲似豪豬。从豨，胃省聲。或作蝟同。

豨

豪豬也。毛如筆管。南郡山中有之。从豨省，高聲。籀文不省。

豨部

豨

豨象形

豨

豨，豕走也。从豨，从豕省。音彘。○按此字說解疑有說扁。

豕

豚小豕也从豕省象形从又持肉以給祠祭

馬部

馬

馬象形

騶

騶馬行疾也从馬侵省聲

鹿部

麋

鹿象形

麋

鹿麋屬从鹿票省聲

犬部

犬

犬象形

騶

騶馬徐而疾也从馬學省聲

騶

騶馬腹繫也从馬寒省聲

麋

麋鹿也。从鹿困省聲。

麋

鹿牡鹿也。从鹿牝省。

犬

犬吠犬厲之也。从犬將省聲。

獾 獾惡健犬也从犬刪省聲

狄 狄北狄犬種也从犬亦省聲

鼠部

鼠 鼠象形

鼯 鼯竹鼠也从鼠留省聲

熊部

熊 熊伯豕山居冬蟄从能炎省聲

羆 羆如熊白文从熊能省聲

火部

火 火象形

燿 燿乾也从火漢省聲

閃 閃火兒从火閃省聲

炭 炭木燒餘也从火岸省聲

爇 爇束炭也从火差省聲

爇 爇交灼木也从火教省聲

煨

炊爨也从火吹省聲

煨

煨以火乾肉也从火煨省聲
○俗作煨

炎部

炎

炎指事

爇

爇於湯中燻肉也从炎契省聲俗作爇

黑部

𦘔

黑指事

黹

黹物中久雨青黑也从黑微省聲○俗作霉

𦘔

𦘔謂之塗塗滓也从黑殿省聲○俗作𦘔

赤部

𦘔

赤指事

𦘔

𦘔赤色也从赤蟲省聲

𦘔

穀日出之赤也从赤穀省聲

夭部

夭

夭指事

喬

喬高而曲也从夭高省聲

奔

奔走也从夭賁省聲與走同意

亅部

亅

循文大

奚

奚大腹也从亅絲省聲絲古文系

壹部

壹

壹指事

懿

懿專久而美也从壹恣省聲

心部

心

心象形

憲

憲敏也从心从目害省。利害所在目見心知是敏也

恬

恬安也从心甜省聲

慄

慄過也从心寒省聲

懣

懣不敬也从心惝省聲或省

懣

懣憂也从心傷省聲

慶

慶行賀人也从心从夂吉禮

慶

以鹿皮爲贄故从鹿省

水部

水

水象形

汨

汨長沙汨羅淵水也从水冥

流

流水流兒从水彪省聲

懣

懣懼也从心雙省聲

懣

懣實也从心塞省聲今作懣

簡

簡存也从心簡省聲

懣

懣慙也从心忤省聲

悅

悅狂之兒从心況省聲

漢

漢漾也東爲滄浪水从水難

潮

潮水朝宗于海也从水朝省

澂

澂清也从水徵省聲

澂

澂清也从水徵省聲

澍 定回泉也从水旋省聲

滌

滌絕小水也从水笑省聲

灇

灇夏有水冬無水也从水學省聲

灇

灇小雨也从水微省聲

灇

灇酢漿也从水將省聲

川部

川

川象形

𣵀

𣵀水脈也从川一壬省聲

𣵀

𣵀水流𣵀𣵀也从川𣵀省聲

雨部

雨

雨象形

霽

霽雪霽震電兒一曰取言也从雨嘉省聲俗作霽

魚部

魚

魚象形

鱈

鱈魚子已生者从魚脩省聲

鯪

鯪魚也从魚眾聲李陽冰曰當从眾省聲

鮓

鮓魚名出樂浪潘國从魚沙省聲

鮮

鮮魚名出谿國从魚彡省聲

鮓

鮓藏魚也南方曰鮓北方曰鮓从魚差省聲俗作鮓

龍部

龍

龍鱗蟲之長也从肉飛之形童省聲

非部

非

非指事

陞

陞牢也所以拘非也从非陞省聲

𠂔部

𠂔

𠂔指事

𠂔

𠂔同疾也从𠂔管省聲

至部

至

至指事

臺

臺觀四方而高者从至从出从高省

鹵部

鹵

鹵象形

鹵

鹵鹹也从鹵差省聲

戶部

戶

戶象形

扃

扃閉也从戶劫省聲

扇

扇戶扇也从戶𠄎省

門部

門

門象形

閱

閱具數於門中也从門說省聲

耳部

耳

耳象形

聑

聑光也。一曰耳箸頰也。从耳，炯省聲。

聑

生而聑曰聑。从耳從省聲。俗作聑。

手部

手

手象形

擗

擗擗也。从手，籍省聲。

擗

擗引縱曰擗。从手，慧省聲。○按宜从癰省。

籍

籍刺也。从手，籍省聲。

女部

女

女象形

嬴

嬴少昊氏之姓。从女，嬴省聲。

媼

媼三女爲媼。媼美也。从女，奴省聲。○按疑从粲省。

媼

媼飾也。从女，牀省聲。○按从牀省者，止此一字。餘均升聲。

佞

佞巧諂高材也。从女信省聲。○按佞者人喜而信之故不從仁。

嫫

嫫小心態也。从女瑩省聲。

嫫

缺鼻目闕兒。从女決省聲。

嫫

嫫誰也。二曰翼便也。从女刪省聲。

丿部

丿指事

弗

弗橋也。从丿从人。从韋省。

氏部

氏

氏指事

𡗗

𡗗闕。徐氏曰：誤也。音活。按从氏。从學省。

亾部

亾

亾指事

望

望出亾在外。望其還也。从亾。望省聲。

瓦部

瓦

瓦象形

葺

葺屋棟也从瓦夢省聲音臨

糸部

糸

糸象形

縻

縻擗繪也一日微幟信也从糸啟省聲

纍

纍頸連也从糸暴省聲

緇

緇絨屬从糸從省聲

纒

微裏幅也一日三糾繩也从糸微省聲

繩

繩索也从糸繩省聲

縈

縈收養也从糸熒省聲

紉

紉馬繒也从糸肘省聲

虫部

虫

虫象形

蚺

蚺蚺威也从虫伊省聲

蛻

蛻蛇蟬所解皮也从虫脫省。○按脫訓解脫此轉注最明者。

蝥

蝥螯也从虫若省聲。

漸

漸離也从虫漸省聲。

蝮

蝮部

蝮

蝮象形

蝮

蝮蝮蝮也从虫轉省聲。

厲

厲蟲也从虫展省聲。

風

風部

風

風八風也風動蟲生故蟲入日而化从凡蟲省。

飈

飈北風謂之飈从風涼省聲。○按此亦說轉注最明確。

龜

龜部

龜

龜象形

龜

龜龜也。从龜節省聲。

堊部

堊

堊，黏土也。从土，从黃省。

土部

增埜字

土

土象形

聖

坐，止也。从土，畱省。古文作坐。

埜

投，甸，竈，白也。从土，役省聲。

塋

塋，墓也。从土，營省聲。

野

古文野字。从里省，从子，从林。

田部

埜

埜，赤剛土也。从土，驛省聲。

聖

聖，土積也。从土，聚省聲。

毀

毀，缺也。从土，毀省聲。

埜

埜，突也。从土，屈省聲。

田

田象形

畿

畿天子千里之地从田幾省聲

甸

甸天子五百里地从田包省

力部

力指事

勞

勞劇也从力營省聲

勞

勞勞也从力卷省聲

金部

金

金形聲

鎿

鎿器也从金熒省聲

鑿

鑿穿木也从金槩省聲

鑿

鑿白金也从金漢省聲

鈿

鈿相屬从金龜省聲

鑿

鑿君車有鑿鈴象鸞鳥聲从金从鸞省聲

車部

車象形

車

衡車搖也。从車，衍省聲。

衛

載高兒。从車，楸省聲。

轡

韃車迹也。从車，從省聲。

輶

阜部

阜象形

阜

𨾏部

𨾏象形

𨾏

輦

輦車，輶規也。一曰：一輪車。从車，焚省聲。

軍

軍，圍圍也。萬二千五百人為軍。从車，从包省。

輶

輶，輶也。从車，范省聲。

輶

輶，連車也。一曰：卻車。抵堂為輶。从車，差省聲。

隍

隍，土危也。一曰：不安也。从阜，毀省。

𨾏

𨾏，阜突也。从𨾏，決省聲。

子部

子

子指事

季

季少之稱也从子稚省聲

酉部

酉

酉象形

酎

酎三重醕酒也从酉从時省月令天子孟秋飲酎音紂

釃

釃酒味淫也从酉夔省聲

釃

釃醕也从酉熒省聲

釃

釃酒也从酉釃省聲

右皆不省建首之形而省所配之字之形以爲聲亦有
不取聲而宛轉以取其義者要必與建首之意相貫是
所謂轉注也共計一百四十七部三百二十一字內

部酉部各數字建首本已省形而所配之字又省其形以取聲是所謂兩省者如鬯醴等字之例故復彙而錄之。

愚按轉注之法以省形省聲爲綱而二者之中又有差別凡省建首之形而取所合之聲或取所合之義及所合之字又省其形者聲谷等二十九部是已若建首不省而所合之字其所取亦各不同宜細辨之如歸从止婦省而以自爲聲雁从隹疇省而又以人爲聲此省形取義而別取一字以爲聲者也如珊姍从刪省宕从湯

省。紂从肘省。蚘从手省。此卽省形之字。專取其聲於義。無涉者也。如逐从豚省。脍从絕省。利从和省。倉从食省。苟从羊省。慶从鹿省。耐从時省。此省所合字形。曲取其義。而不以爲聲者也。如迆从作省。祝从祝省。櫓从邊省。家从豕省。望从聖省。鮮从彝省。蛻从脫省。颯从涼省。季从稚省。此省所合之字形。取以爲聲。而兼取其義者也。約而舉之。有此數端。然皆合乎轉注之古法。不可以爲形聲。爲會意者也。學者取此編所纂。細加參究。必渙然冰釋。怡然理順。以予言爲不謬矣。

假借第六 許氏曰。假借者。本無其字。依聲託事。令長是也。假借一法。亦係造字時所定。以立有聲無字之一體。非如後世互相通用之說也。許君以令長發例。當亦本諸師說。如令長好惡難易能爲等字。終古祇有異讀別無正文。此無字之假借。係其本法。惟其中不無分別。有祇借其形。不借其聲者。有既借其形。又借其聲者。是皆爲真假借。有借其形。微轉其聲。而其義仍與本字相近者。是爲兼引申之假借。又有取義微殊。而聲讀不改。是則直係引申。而亦得僞假借。凡此皆以一字。作數字之

用而所用者實無其字。所謂依聲託事者也。至本有其字。或棄之不用。而以他字代之。及音義相近。互相替換。若方雅中所錄詁訓。及各書內援引成語。在此作某字。在彼又作某字。紛紜糾葛。不可勝窮。如斯之類。皆係各據所見。著之簡編。是爲通用之字。不得謂之假借。爲其各有本字。本義足以備用。不必定借他字之聲。而依託之也。茲編所葺。皆有聲而無字之字。以轉聲不轉聲爲之區別。其兼係引申。及全屬引申者。亦併錄之。惟互相通假一類。似假借而實非假借。此則後世用字之法。於

六書本體無關。吳縣高氏已著有說文字通。蒐羅甚富。學者所宜究心。此編概不采錄。竊假借

令發號也。从人从卩。人集眾也。卩法度也。集眾而出法令。故从人从卩。此會意字也。古者上牒下公式。有如律令三字。見漢聞熹長韓仁銘。謂上有所令。下不得違。違卽罪之。禍福如神之靈。故讀若靈。借爲守令字。則讀若甯。取義於令善。足以臨民。引申之。如令聞令望。皆訓爲善。又居上出令。必取政之善者言之。是守令之令。假借中仍兼引申。若脊令盧令之令。則全屬假借。於本字本

義絕無交涉矣。

長久遠也。从兀从匕。从到亾亦聲。兀者高也。高則可以見遠。物久而變化其爲時必長。从到亾者不亾也不亾故久遠。此會意兼形聲字。借爲令長之長者。漢制縣滿三萬戶爲令。不滿三萬戶爲長。凡人年輩尊於己若兄若師諸父諸舅皆謂之長。所宜敬事。吏之稱長蓋取此意。借長短之長而轉其聲以爲長上之長。此與久遠之義無涉。又借爲消長之長。義與息同。又與長物之長。謂物之餘賸者。此亦全屬假借。與本義不相貫通。非如令

善之令與號令之令。但轉其聲。而本義尙可引申也。
右令長二字。許君以發假借之例。而說解中並未明言
其故。讀者但知爲假借。而不知其所以然也。且二字同
爲假借。而細覈之。微有差別。是安可不詳辨之。凡一字
或有數音。一音或有數義。孰爲本訓。孰爲引申。孰爲假
借。孰爲通用。必逐一研究。得其真諦。然後讀先秦古書。
不致爲俗解所惑。卽如難易字。難本鳥名。而借爲艱難。
煩難。易本蟲名。而借爲交易容易。其本訓爲鳥爲蟲者。
以難从短尾之佳。易象蜚易之形。溯流窮原。其制此二

字之意實出於此而用之於文詞既異其訓或改其聲使不知爲假借何從識其字形夫經籍中借用之字觸目皆是然要皆各有本體明其本體始知何者爲假借何者非假借用之乃無差謬許君發明其例僅於西來等數字示人以規矩學者綜覽全書驟難領會特卽敘例令長二字將假借之原委縷悉言之以概其餘俾讀許書者易於探索云尔

一借形轉聲之字

按古人用韻不拘四聲祇有長言短言輕讀重讀卽雙

聲合聲之說。茲以轉聲不轉聲區別者。以四聲通行已久。較便初學入門耳。若欲推求古音。則段桂諸家言之備矣。博綜者當自得之。

气

雲气也。象形。隸以氣字代之。而省气爲乞。轉聲借爲求乞字。

薄

林薄也。一曰。蠶薄也。借爲厚薄帷薄字。轉聲爲薄書字。今作簿。

荼

苦荼也。音途。借爲荼毒字。轉聲以爲茶。葍字。俗作茶。非。

莫

日且冥也。从日在艸中。隸別作暮。而以莫爲語助。與勿毋意近。又借爲廣莫文莫字。

會

詞之舒也。从八从日。叺聲。讀若層。引申爲語助。借爲高會孫會字。讀若增。

釋

解也。从采。畢聲。分別物理也。借爲說釋字。俗作憚。

台

悅也。从口，目聲。音同怡。借爲台斗字。讀若臺。

疋

足也。一曰記也。讀若胥。古又以爲詩大疋字。借疋爲雅。雅本鳥名。亦假借之字。

單

大也。借爲單獨字。轉聲又爲單父。單于字。音禪。

行

人之步趨也。音恆。引申爲五行言行字。俗讀若形。非。又爲行伍字。音抗。

徼

循也。音叫。引申爲游徼邊徼字。轉聲借爲徼幸。徼結字。俗作徼。作邊非。

句

曲也。从口，尸聲。音同鉤。引申爲句萌。句畱字。借爲句龍。句吳字。俗作勾。非。轉聲借爲章句字。

說

說釋也。俗作悅。憚。一曰談說也。轉聲以爲游說字。音稅。

調

和也。平聲。借爲調度。調取字。去聲。

識

常也。知也。音式。轉聲爲默識字。音志。又爲旗識字。俗作幟。○按常有旂。常一訓。識卽幟之本字。但音徼易介。

母猴也。象形。借爲作爲字。又轉聲爲相爲字。讀若謂。

爲

執

種也。从乚。壺。此樹執之。執引伸爲執術字。今作藝。又借爲執力字。今作勢。

承也。从手。卅。丰聲。借爲奉祿之奉。俗作俸。又爲奉執之奉。俗作捧。

奉

舉也。从収。由聲。音媿。杜林說以爲麒麟字。音其。

卑

敦

怒也。詆也。从支。臺聲。借爲珠盤玉敦字。○按敦音最多。均係通用。非假借。

臧

善也。从臣。戕聲。引伸爲收臧字。今作藏。借爲臧府字。今作臧。又以爲臧污字。今作賊。

將

將衛也。去聲。轉聲借爲語助。將然將來字。又爲將伯。就將等字。平聲。

相

看視也。从目。木。會意。借爲輔相勸相字。轉聲爲相與交相字。

眇

一目小也。音杳。轉聲借爲玄眇字。今作妙。

一ノミ
ク
ニ

舊畱鳥也。或作鶴。同轉聲。借爲新舊字。

古文鳳字。象形。借爲朋黨字。

朋

難

鳥名。借爲艱難字。轉聲爲患難疑難字。

於

古文烏字。象形。借爲語助。音義皆與于字同。

予

推予也。象以物相予之形。讀若與。轉聲借爲予我之予。音同余。

其

古文箕字。竹器名。借爲語助。指事之詞。又讀若基。亦語助。

箸

飯斂也。借爲誤著明著字。今別作著。轉聲以爲箸。落字。俗作着。非。

竒

異也。从可。从大。一曰。不耦也。易數陽爲竒。陰爲耦。讀若基。

豈

還師振旅樂也。音同愷。今別作凱。非。借爲語助。豈不豈有字。

盛

黍稷在器中以祀者也音成引申爲盛受盛載字轉聲借爲盛衰字

臚

皮也膚之本字音莧借爲臚列臚傳字音盧

夏

中國之人也借爲春夏字轉聲借爲廣夏字俗作廈

副

判也从刀富聲音劈轉聲借爲副貳字

高

獻也今作享轉聲借爲高通字今作亨又爲高飪字今作烹

責

求也从貝束聲轉聲借爲責負字俗作債

賈

市賈也今作價轉聲以爲商賈字音古又假借爲姓氏

帑

金幣所藏也音湯上聲借爲妻帑字音奴俗作拏

邪

琅邪郡名从邑牙聲借爲語助疑詞俗作耶又借爲若邪莫邪字

樂

五聲八音之總名也。轉聲以爲喜樂字。又以爲好樂字。讀若奧。

某

酸果也。从木从甘。此古文梅字。轉聲借爲泛言事物字。如左傳某氏之某臣是也。

杅

樹特生兒。杅杜也。音弟。借爲船杅字。音情。淮南子毀舟爲杅。注曰。舟尾也。俗作杅。

橐

木枯也。从木。高聲。轉聲借爲橐勞字。見周禮橐人。小行人解詁。或作槁。同。俗別作槁。

校

木囚也。借爲比較。校字音敎。又爲學校。軍校字音敎。

霸

月始生。其形霸然也。从月。靈聲。讀若魄。轉聲借爲王霸字。

朝

旦也。从𠂔。舟聲。日出地之時也。轉聲以爲朝廷朝會字。

但

但褻也。謂偏脫衣袖也。今通用袒。借但爲語助。又以爲姓氏字。

何

儻何也。俗作擔荷。轉聲借爲誰何如何等字。

傳

遠也。《說文》曰：傳，平聲。引申爲傳受、流傳字。轉聲借爲經傳字，又爲傳舍、傳食字。

假

借也。不真也。轉聲借爲感假字。音同格。易王假有廟，詩奏假無言是也。

佗

負何也。俗作駝。非。轉聲借爲佗人佗山字。俗作他。

頌

兒也。兒，古貌字。音容。轉聲借爲雅頌字。而以容受之容爲頌。不復知頌之本音本義矣。

司

臣事君於外，各有所司也。轉聲借爲司候、司察字。今別作伺。

卷

郝曲也。从卩，弄聲。音權。轉聲借爲舒卷、卷冊字。○郝，今作膝。

易

蜃易也。象形。俗作蜎。非。借爲交易、變易字。轉聲借爲難易字。又以爲

能

獸名。熊屬。从肉，匕象其足。台省聲。音來。轉聲借爲才能字。

馮

馬疾行也。音逢。轉聲借爲馮依、馮河字。俗作憑。非。○姓氏字本从邑，作鄆。今亦借用馮。

黨 色不鮮也。从黑尙聲。借爲鄉黨。朋黨。子轉聲。以爲語助。俗作儻。

夫 丈夫也。从大一。轉聲。借爲語助。音扶。

應 當也。从心雁聲。轉聲。借爲應對。感應字。

塗 水名。今作涂。音除。轉聲。借爲路。涂字。俗作途。又爲泥。涂字。俗作塗。

濯 澣也。音濁。轉聲。借爲濯船字。今作濯。俗作棹。非。

參 參商星也。从晶參聲。今作參。音森。轉聲。借爲參兩。參伍字。俗又以爲參謁。參劾字。

徵 召也。从王。从微省。轉聲。借爲宮商角徵之徵音梓。

不 鳥飛上翔。不下來也。引申爲凡不之詞。轉聲。借爲未定之詞。音浮。又爲夫不鳥名。

閒 門有隙也。平聲。音干。俗云中閒也。轉聲。以爲離閒字。又借爲空閒。安閒字。

女 婦人也轉聲借爲爾女字與汝通汝水名亦假借字

婁 空也一曰務也音樓轉聲借爲婁數字俗作屢

或 邦也又加土作域同轉聲借爲不定之詞音同惑

戲 三軍之偏也一曰兵也音麾轉聲借爲戲劇游戲字

氏 巴蜀山脅土石堆欲墮落者曰氏音是借爲姓氏字轉聲爲月氏烏

氏字音支

綸 青絲綬也音同冠轉聲借爲經綸彌綸字

縣 繁也从糸持畧會意此古縣挂本字俗加心作懸非轉聲以爲州縣

字

它 虫也或作蛇同轉聲讀若佗上古州居患它故彼此相問無它今作

他俗字也佗卽古它字今久別爲二不復知爲一字矣

且 薦也从几有二橫一者地也音居借爲語助只且狂且字轉聲爲苟

且姑且字

乾

陽氣上出也。从乙，𠂔聲。引申爲乾健。乾惕字。轉聲借爲乾溼字。

醒

病酒也。一曰醉而覺也。○按此字病酒爲本義。音星。醉而覺爲借義。音星。俗別作醒非。

縱

緩也。一曰舍也。去聲。借爲縱橫字。又爲發縱字。平聲。

𠂔

氣欲舒出，𠂔上礙於一也。古文以爲𠂔字。又以爲𠂔字。𠂔音考。○按考字音重讀之。卽若卡。𠂔卽古卡字也。

右八十二字。既不用其本義。又不用其本音。亦閒有由。本義引申者。而聲必轉易。是祇借其字形以託事。而別依一聲。此無字之假借。第一義也。故首錄之。

借形不轉聲之字

祖

始廟也。又祭道神也。故借爲祖。餞字。

瑞

以玉爲信也。借爲祥瑞字。

瑣

玉聲也。借爲瑣屑字。又爲瑣闌字。俗作鎖鑰。

瑕

玉小赤也。借爲瑕疵字。又爲雲瑕字。今作霞。

悉

詳盡也。从心采會意。借爲悉蠱字。今作蟋蟀。

每

艸盛上出也。从母聲。俗別作莓。非。借爲每凡字。

若

擇菜也。一曰杜若香艸。借爲語助。

荅

小木也。借爲報荅字。今作答。

菹

酢菜也。借爲菹澤字。澤中生艸。曰菹。

苛

小艸也。借爲苛刻苛求字。

苟

艸也。借爲苟且字。又以爲語助。

蓐

陳艸復生也。借爲茵蓐字。俗作褥。非。

牟

牛鳴也。借爲目中牟子字。俗作眸。

特

大牡牛也。借爲特立雄特字。

唐

大言也。从口庚聲。借爲隄唐字。今作塘。

干

犯也。从一从入。借爲干戈字。

止

下基也借爲行止限止字

術

邑中道也借爲方術字

諸

辨別也引申爲諸凡字借爲語助

讐

猶磨也又訓對訓匹借爲讐敵字又爲賈讐字俗作售

戴

分財得增益也从異找聲借爲負戴字

叔

拾也以手拾未也借爲伯叔字

爰

引也借爲爰及字又訓易也以爲爰田爰書字

專

六寸簿也一曰紡專俗作輒借爲專一專擅字

爾

麗爾猶靡麗也借爲爾我字

乏

反正爲乏借爲空乏字

道

人所行之路也借爲道惠字

謝

辭去也借爲臺謝字今作榭

業

飾縣鐘鼓大版也借爲德業藝業字又爲語助業己字

革

皮去毛也借爲革除改革字

孰

食飪也从艸彙聲今作孰借孰爲誰孰字

殿

擊聲也从殳屍聲借爲殿字殿後字

尋

釋理也借爲尋常字四尺曰仞倍仞曰尋

貞

上問也借爲貞固貞正字又爲貞司字今作偵伺

翁

鳥之頸毛也。借爲老者之稱。又爲翁鬱字。今作翁。

離

雜黃倉庚也。鳥名。借爲離明離別字。

雋

鳥肉肥也。从隹从弓。借爲雋異。雋秀字。

烏

孝鳥也。象形。借爲烏呼。烏有字。

馬

江淮閒鳥也。象形。借爲語助。

烏

誰也。象形。借爲履烏字。

殊

死也。誅也。借爲殊異字。又爲語助。

胡

牛頷垂也。頷頸下肉名。借爲胡粵字。又爲語助。

冎

骨肉閒。冎冎著也。俗作肯。借爲冎可字。

利

鈔也。借爲利害義利字。

衡

牛角。著木橫之。从角大行聲。借爲衡衡字。

策

馬筆也。借爲著策計策字。

管

如篴六孔。十二月之音也。借爲主管字。

虔

虎行兒。从虎文聲。借爲虔恭虔劉字。

虞

騶虞仁獸也。借爲憂虞字。

盧

飯器也。从皿盧聲。借爲盧令蒲盧字。

爵

禮器也。借爲爵殊字。又爲小鳥名。

倉

穀所藏也。从食省口象倉形。借爲倉皇倉卒字。

來 來牟瑞麥自天來也象形借爲往來招來字

韋 違也从文中相背口聲借爲皮韋字

弟 韋束之次弟也借爲兄弟字今次弟字作第

久 灸之古文借爲久遠字

柰 果名借爲柰何字俗作奈

榮 桐木也借爲艸木榮華字

采 捋取也从木从爪借爲采色字俗作採作採非

休 息止也从人从木借爲休祥字或作庥同

豆 古食肉器从口象形亦作桓借爲豆區豆麥字

華 艸木之榮也借爲華夏光華字

才 艸木之初也今通用纔借才爲才能字

之 出也象艸木初生出土形又訓往也此也於也借爲語助

稽 畱止也借爲稽攷滑稽字

質 以物相贅也即俗云抵當借爲文質字

郎 魯邑名借爲郎廟字今作廊又爲郎吏字

都 邑有宗廟曰都借爲都統都麗字

咎 乾肉也从夂象殘肉日以晞之俗作昔借爲今昔字

昌 美言也从日从曰一曰日光也借爲昌大昌熾字

普

日無色也借爲普徧普同字

族

矢鋒也束之族族然从从从矢借爲宗族字

黎

履黏也从黍秝省借爲黎明黎庶字

疾

病也借爲疾迅疾惡字

常

下幫也亦作裳又爲旂常字借爲尋常倫常字

虛

大丘也丘謂之虛俗別作墟非借爲虛空字

求

古文裘象形借爲干求字

欠

張口氣悟也引申爲欠申字借爲欠闕字

羨

貪也欲也借爲羨餘字

游

旌旗之流也从汙聲借爲游行字或作遊

函

舌也从凵象形借爲函甲函封字

康

穀皮也本作穰借爲康強平康字

帥

佩巾也亦作輓借爲將帥字

眞

仙人也借爲真假字

裔

衣裾也借爲苗裔邊裔字

方

兩船并也借爲方圓方向比方字

既

小食也借爲語助既已字又爲既盡字

題

額也古有雕題國借爲題識品題字

頌

大頭也借爲頌布頌賜字

願

大頭也借爲願望字

脩

飾也借爲修短字今通用脩非脩从肉爲脩脯字

府

文書所藏也引申爲府庫字借爲藏府字今作臧腑非

厲

旱石也借爲危厲嚴厲字

而

頰毛也象形借爲語助

豪

豕豸如筆管者借爲豪釐豪傑字

驚

牡馬也借爲陰驚字

颿

馬疾行也借爲舟颿字俗作帆非

頃

頭不正也借爲俄頃頃田頃字

領

頤也借爲領受管領字又爲山領字

密

山如堂者借爲疏密字

厥

發石也借爲厥逆字又爲語助

勿

州里之旂也象形亦作旃借爲勿用字

耐

罪不至髡也亦作耐借爲忍耐字

豕

豕走也借爲易卦豕象字

驕

馬高八尺也借爲驕泰驕競字俗別作嬌非

薦

獸所食艸也借爲席薦舉薦字

麗

鹿旅行也借爲美麗附麗字。

獨

犬相得而鬥也羊爲羣犬爲獨故借爲孤獨字。

默

大暫逐人也借爲語默幽默字。

猶

獸名借爲猶豫字又爲謀猶字今作猷又爲語助。

然

火燒也借爲然否字又爲語助按語助本作噦。

熒

屋下鎧燭光也借爲熒惑字又爲熒火字今作螢。

亦

人之腎亦也象形或作掖俗作腋非借爲語助。

滑

鄰病也借爲滑夏奸滑字俗作猾非。

奚

大腹也借爲奚不奚爲字。

毗

人臍也从囟比聲借爲毗連輔毗字。

息

喘也鼻中出入之氣借爲消息止息字。

汝

水名借爲爾汝字。

漸

水出丹陽山中借爲漸梁積漸字。

簿

水出丹陽借爲簿撥字俗作牌筏非。

沽

水出滷陽塞外入海借爲沽買字。

洵

過水中也又水名出漢中借爲語助。

況

寒水也借爲比況字俗作况非。

泰

滑也从卅从水大聲借爲侈泰安泰字。

涼

薄也。左傳號多涼德。借為寒涼字。

泉

水原也。象形。借為貨泉字。泉即錢也。

露

天之津液。下潤萬物者。借為顯露暴露字。

西

止也。本作𠂔。象日西入而鳥止巢上。故借為東西字。

聊

耳鳴也。借為聊且無聊字。俗作聊非。

如

從隨也。女子从夫之命。故从口。借為如同。假如往如字。

姑

夫之母也。借為姑且姑息字。

威

姑也。从女。戌會意。借為威儀威嚴字。

嬰

頸飾也。从女。嬰聲。借為嬰紫嬰孩字。

乂

芟艸也。借為雋乂安乂字。

戚

斧戍也。从戌。未聲。借為親戚哀戚字。

亾

止亾也。今作乍。借為乍見字。

區

藏匿也。从品。在匚中。借為區別豆區字。

匱

匣也。俗作櫃。借為匱乏字。

匡

筥也。亦作筐。借為匡正匡扶字。

匪

器如篋者。亦作筐。借為匪色匪人字。

蠲

馬蠲也。腐艸所化。尾有火。借為蠲除蠲潔字。

彌

弛弓也。从弓。璽聲。隸省。从爾。借為彌綸彌補字。

絜

麻一耑也。借爲絜矩字。又爲絜淨字。今作潔。

緣

衣純也。借爲緣飾。因緣字。

納

絲溼納納也。借爲結納字。若出納字。古止作內。

率

所以羅鳥者象形。借爲粗率。艸率字。

蚩

蟲也。从虫。出聲。借爲蚩氓。蚩笑字。

釐

家福也。借爲釐豪。保釐字。又爲孤釐字。俗作釐。

錯

金涂也。借爲切錯。譌錯字。

鈔

又取也。借爲鈔錄。錢鈔字。俗作抄。非。

斤

所木之器象形。借爲斤兩字。又斤斤明察字。

終

絲絲也。絲者急也。借爲始終字。

緌

馬髦飾也。借爲緌瑣。緌要字。俗作繁。

綬

車中所把也。借爲撫綬字。

雖

蟲名。似蜚而大。从虫。唯聲。借爲語助。

龜

龜也。从它象形。借爲龜勉字。

鍾

酒器也。借爲釜鍾字。又爲鍾育字。

錢

鉞也。田器。借爲錢貝字。錢古作泉。亦假借也。

銜

馬勒口中者。以鐵爲之。借爲口銜頭銜字。

所

伐木聲也。借爲作所處所字。

斯

析木也。借爲語助。又爲斯役字。
俗作厥。

新

取木也。借爲新舊字。

斗

大升也。十升爲斗。借爲斗斛科。
斗字。

升

十合也。象形。借爲升降字。

魁

羹斗也。借爲魁偉首魁字。

矜

矛柄也。借爲矜憐莊矜字。

除

殿陛也。借爲革除字。

陳

宛丘也。从阜从木。申聲。借爲新。
陳字。

萬

蟲也。象形。借爲百千萬億字。

甲

五行十幹之首也。借爲甲兵字。

己

五行中宮陰土也。借爲人己字。

羞

進獻也。从手進羊。丑。手也。俗別。
作饒。非。借爲羞恥字。

己

用也。从反己。今作以。作己。借爲己止字。又爲語助。

右一百七十三字。音與原讀不殊。而取義各別。是借其

形。併借其聲者。此亦無字之假借。故次錄之。

三 申轉聲之字

三

天下所歸往也轉聲爲王霸字
又爲王相字

中

內也引申爲中正中和字轉聲
爲中鵠中興字

少

不多也从小了聲轉聲以爲少
長字

分

別也引申爲分釐字轉聲爲分
量名分字

龖

聲牛尾也音旄轉聲以爲豪龖
字今通用釐

告

牛角箸橫木以告人也轉聲爲
告朔字

味

相應也此唱和本字轉聲以爲
和平中和字

啞

大笑也音系轉聲爲虎啞人之
啞音牒

喪

亾也从哭亾會意去聲引申爲
喪服字平聲

正

是也守一以止也轉聲爲正鵠
正月字

選

遣也上聲引申爲銓選字去聲

達

行不相遇也音沓又以爲挑達
字轉聲爲通達字音答

過

度也引申爲過失字轉聲爲經
過字

假

至也讀若格轉聲以爲假邇字
俗作遐

足

人手足也引申爲滿足字轉聲
爲足恭字

扁

署門戶之文也引申爲扁仄字
轉聲以爲扁反扁舟字

嘏

大遠也音假引申為福嘏字音古

竟

樂曲盡也引申為竟止字轉聲為竟別字俗作境

興

起也引申為興衰字轉聲為興會字

要

身之中也象形俗作腰非引申為要緊要字去聲

孚

鳥伏卵而子出也从爪子音保一曰信也引申為信孚字

度

法制也引申為度數量字轉聲為測度字

殺

戮也轉聲以為豐殺字

更

改也从支丙聲引申為更漏更歷字轉聲為更加字

數

計也引申為責數字上聲數目字去聲頻數字入聲

號

呼也平聲引申為號令字去聲

主

鎧主也象形俗作炷去聲借為賓主字上聲

會

合也从亼從曾省借為會計駟會字音快

富

滿也音同福引申為富近富迫字今作偁

景

日光也音井引申為形景字今別作影非

暉

光也俗作輝非轉聲為月暈字音詠段氏改暉作暉

稱

銓也平聲引申為稱量器名去聲俗作秤非

冠

弁冕之總名也平聲引申以為昏冠字去聲

便

安也人有不便者更之去聲引申為便佞便多字平聲

比

密也引申爲比周去聲借爲比梳字同又爲比方字上聲

從

隨行也平聲引申爲首從字去聲

重

厚也引申爲輕重字上聲又爲重覆字平聲

量

稱輕重也平聲引申爲限量分量字去聲

見

視也从人目會意引申以爲發見字俗作現非

文

錯畫也象形引申爲文飾字上聲

厭

笨也一曰舍也音同厭轉聲爲寢厭字俗作厭非

思

心所慮也从心从囟轉聲以爲于思字俗作思

惡

過也與善相反入聲引申爲厭惡字去聲又爲語助平聲

治

水名出東萊入海借爲治安字平聲又爲治理字去聲

溺

水出張掖入流沙音同弱引申以爲沈溺字

瀕

水涯也音亦俗作濱引申以爲瀕數字今省作頻音平

否

不可也音負引申以爲否泰字音鄙

好

美也从女子會意上聲引申爲喜好字去聲

氏

至也音同底引申以爲氏下字俗作低

張

施弓弦也引申爲張大字轉聲爲張滿俗作脹非

當

田相值也平聲引申爲抵當字又爲玉卮無當字

較

車騎上曲銅也音角引申爲計較字今作較

酉

就也古者制器盛酒曰酉隸作
直又以爲酒字

右五十三字皆就本義引申而轉易其聲以託事者是亦假借之一端也漢晉以前此等字聲讀不必如是此編所纂特取近世通行之音以便省記但經籍中類此者甚多俗所云平仄兩用字難以徧采此不過姑舉一隅以概其餘耳宋儒賈氏昌朝著羣經音辨於一字數讀者搜葺最詳學者取而讀之其於古今文字之音詁訓之別白可一覽而得茲不復備述云

引申不轉聲之字

理

治玉也。治玉必依其文理，故引申為治理義。理字。

環

璧之肉孔，若一者，引申為循環字。

落

艸曰零，木曰落。引申為落成字。又借為施落字。○施，古離字。

蓋

苫也。覆也。引申以為語助。

犀

南徼外牛也。其角能分水。引申為犀利字。

犖

牛駁文也。引申為卓犖字。又為犖犖大者之犖。猶寥寥也。

名

自命也。古傳書字為名。引申為志名字。今作銘。

哉

言之閒也。引申為語助。

訾

訶也。借為歌曲尾聲。讀若吡楚。辭用之。俗作些非。

𦉳

譁訟也。又以為驚𦉳字。借為𦉳不字。

止

下基也。象艸木出有址，故以止為足。俗作趾。非。又以為行止字。

徒

步行也。从辵，土聲。引申為徒從。司徒字。

蹇

勉也。又難也。故以為王臣蹇蹇。字俗作蹇。

蹊

待也。本作襍。或从足，引申為蹊徑字。

龠

管樂也。六孔。又以為合龠字。龠容千二百黍。

鞠

蹋鞠也。即古軍士擊鞠之技。俗作毬。非。引申為鞠躬字。

敲

持去也。又以為敲衰字。俗作款。非古有敲器。

毆

擊中聲也。音意引申為語助讀。若兮也字。見古金石。

攸

行水也。从支从人。从水省。引申為攸往攸行字。

眚

目病生翳也。引申為災眚字。

胙

祭福肉也。引申為世胙字。今作祚。

箴

綴衣箴也。引申為箴砭箴規字。按與鍼義微異。

亶

多穀也。引申為天亶字。又以為語助。

岐

山名。有兩岐。周文王所都。或作邠。俗別作歧。非。

翕

昱也。昱。明日也。引申為恩翕字。俗作忙。非。

段

雜物也。从殳。尚省聲。引申為段落片。段字。

故

使為之也。引申為有故無故字。又以為新故字。

徹

通也。从支从彳。从育。引申為車徹字。今作轍。

黻

黻黻也。所以羅鳥者。引申為黻蓋字。俗作黻。

節

竹約也。引申為節制品節字。又為節烈字。

嘗

口味之也。引申為嘗試。蒸嘗字。

鄭

京兆縣。周厲王少子友所封。又以為鄭重字。从奠。引申也。

暨

日頗見也。引申為爰暨字。

宰

人在屋下治事者。引申為主宰烹宰字。

罔

魚罔也。古文作罔。象形。或作網。同引申爲誣罔虛罔字。

卽

卽食也。一曰就也。今也。引申爲卽時字。又爲語助。

廣

殿之大屋也。引申爲寬廣字。

猥

齧也。引申爲猥切。猥求字。今作猥。

臭

禽走而臭。知其迹者犬也。故以爲臭味字。

尉

以手從上按下也。引申爲丞尉。安尉字。本作契。俗作尉。非。

報

當舉人也。引申爲報答字。

滋

益也。引申爲滋潤。滋味字。

零

雨之餘也。引申爲凡物畸零字。又爲艸木零落字。

服

用也。从舟。皮聲。引申爲服從。又爲服飾字。

序

東西牆也。引申爲庠序次序字。

席

卻屋也。引申爲擗席字。又爲席。鹵字。俗作斥。

戾

曲也。从犬。在戶下。身曲戾也。引申爲戾止乖戾字。

烈

火猛也。引申爲功烈節烈字。

侯

射侯也。以布爲之。从矢。从人。从厂。引申爲公侯字。本作侯。

漠

北方流沙也。引申爲荒漠。漠漠字。

沾

水名。一曰沾益也。故以爲沾減。字。俗作添。非。

孔

通也。嘉美也。引申爲孔穴字。

閱 具數於門中也。从門說省聲。引中爲閱。歷代閱字。

失 縱也。从手乙聲。引申爲得失字。

擊 堅固也。引申爲擊。吝字。俗作擊。非。

挂 畫也。易再劫而後挂。故以爲懸。挂字。俗作掛。非。

委 委隨也。象禾穗委曲之見。引申爲推委字。

曲 受物之器象形。引申爲曲直字。又爲音樂曲調字。

彊 弓有力也。引申爲彊壯。富彊字。今通用強。強。蟲名也。

縮 亂也。一曰蹴也。引申爲退縮字。

紛 馬尾韜也。引申爲紛紜糾紛字。

絡 絮也。一曰麻未漚也。引申爲聯絡字。

縮 惡絳也。一曰羅也。引申爲縮結字。

蠶 蠶齧木中也。引申爲追蠶字。又以爲蠶。蠶字。

略 經略土地也。引申爲轄略。疏略。微略字。

錄 金色也。又以爲省錄字。

載 乘也。引申爲記載。年載字。又爲語助。

輒 車之兩輪也。又以爲專輒字。

師 眾也。二千五百人爲師。引申爲師友字。

字 乳子也。引申爲文字之字。文所孳生者也。

疏

通也。引申爲疏記親疏。分疏疏比字。

酉

釋酒也。又掌酒官曰大酉。引申爲蠻夷酉長字。

尊

酒器也。从酋。卅以奉之。引申爲尊敬尊卑字。

右七十三字亦就本義引申而音亦不改第引申之義究與本義微有區別是亦依聲託事而假借之一端也許書中似此者經段桂二家發明殆盡此編祇約略与葺遺扁者計尙不少學者以此類推再於二家書中求之可耳。